



知足齋進呈文稿





叢書集成


初編

主編者
王雲五

商務印書館發行



知足齋進呈文稿



3 0646 3780 8

朱珪撰

知足齋進呈文稿

本館據畿輔叢書
本排印初編各叢
書僅有此本

知足齋進呈文稿目錄

第一卷

平定西域回部大功告成頌 謹序

平定兩金川大功告成頌 謹序

聖駕五巡江浙樂府 謹序

皇上七旬萬壽文 謹序

恭慶皇上御極六十年萬壽文 謹序

御製栽者培之傾者覆之論 恭跋

御製反蘇軾超然臺記說 恭跋

御製回疆三十韻 恭跋

御製十全老人之寶說 恭跋

御製顯諸仁藏諸用論 恭跋

御製小德川流大德敦化論 恭跋

御製竄聰明作元后元后作民父母論 恭跋

083
112/
212513

知足齋進呈文稿 目錄

第二卷

御纂續詞林典故序恭跋

御製毓慶宮記恭跋

御製才德說恭跋

御製勤政箴恭跋

御製樂取於人以爲善論恭跋

御製有大而能謙必豫論恭跋

御製邪教論恭跋

御書謙卦恭跋

御製復其見天地之心論恭跋

御製迎長至論恭跋

御製君子以虛受人論恭跋

御製恆以一德論恭跋

御製君子以懲忿窒欲論恭跋

御製讀皋陶謨恭跋

御書禹貢洪範恭跋

御製旣醉備五福論恭跋

御製能者養之以福論恭跋

御製禮與其奢也寧儉論恭跋

御書四箴恭跋

御書左傳楚武王侵隨一則恭跋

御書晉侯歸謀所以息民篇恭跋

御書荀勗省事不如清心奏議恭跋

御書唐呂溫頌姚崇誠宋司馬光蘇軾著錄一則恭跋

御製蘇軾刑賞忠厚之至論恭跋

御製存誠戒僞說恭跋

御製盛京頌恭跋

御製辛巳歲我太宗大破明師於松山之戰書事恭跋


知足齋進呈文稿卷第一

平定西域回部大功告成頌謹序

臣伏見皇上執天樞。秉神斷。五年之間。全定西極。決勝二萬里而遠。鏡照機張。不爽毫刻。籍伊犁縹名王。蕩餘氛。降諸部。有罪必誅。無遠弗庭。發之九重之上。而收之八荒之外。亙古以來。未之有也。臣嘗竊怪漢司馬相如作封禪文。班固著典引其文瑰奇而非事實。或夸珍符。喻封巒。至於祖伊者。臣素王。尤不可爲典。唐柳宗元作貞符及雅詩。韓愈作碑銘。然是時唐無他功。憲宗平淮西耳。千里之叛。廬乃克之。以爲如天之勳。不可企及。豈足語於聖神之萬一乎。臣伏讀御製太學碑文。及開感論兩篇。睿畫大猷。功歸上緯。蓋帝堯之欽昊。有虞之敕命。至矣。曷以加茲。臣謹案。易稱大人與天地合其德。又曰。天且弗違。言天固人之所自爲也。臣竊據事徵典。作文一篇。具道天子之功德。與天合契者。頓首以獻。其文曰。

上圖昆侖。凝爲廣輪。其外環以裊海。中貫星辰。有故天德。爲天下君。權輿龍翼。羅圖之紀。不可得稽。蓋靡顯於軒轅。於是鞭應龍。竿涿鹿。五十二征。天下砥屬。少昊徠鞮。顓頊絕九黎。堯平九嬰之沴。舜翦緡雲之裔。姒子以來。於傳可記也。且夫德大者包天垓。德小者疆地戒。知有所不照。時有所不逮。漢斬郅支。訖於羈縻。唐棄維州。築室道謀。宋之有國。北剡西副。廊延環慶。原渭之外。委之夏人。拱手不敢西牧。終拓跋

臣朱珪恭



九世而降於元。元失其鹿。明來犄之。始藩哈密。中葉而毀。嘉峪關外。亘土魯番。亦不刺據乎西海。瓦刺窟乎賀蘭。近塞榆林。北爲河套。毛里孩。火篩。吉囊。俺答。蓋先後甌脫其間。明之守臣。不敢偵瞭。兩兒辨日。孰牌近遠。棄其玉斧。袖手莫斷。公卿訟於槐棘。疆場割其土版。戶楹不知。遑問四方。厥德弗馨。帝用眷命於我大清也。惟我太祖。以十三甲破葉赫。輝發。所向摧摺。遂有遼瀋之陽。至於太宗。長弓大鎧。駕兩白龍。壓松山。降朝鮮。蒙古列部。聯爲外藩。功莫薊焉。世祖受之。天乃全付所有。聖祖旣拔三葉。海訖天幹。極西北隅。有厄魯特部。爲阿魯台之裔。天命藜之。皇祖是用三駕。天戈梢乎月窟。取其鱣鯢。而赦其劍刎也。彼曾不悛。窺我西藏。世宗赫怒。遂定青海。莫我敢抗。殲之於厄爾得尼招。賊用大創。我皇上日夜思列祖之光。明。自天榮鏡。昭德之致。於有萬方焉。南溟金川。雕題鬚首之國。莫不回面樹領。企爲內臣。天將以準噶爾全部。暨諸回國。二萬里地。授之於我皇。於是綽羅斯之內訌。阿睦爾撒納之鬣趨。大小和卓木之陸梁。所以啓大功而擴我疆也。夫時者事之鍵。知者決之斷。非鍵曷行。非斷曷成。當敏關之糜至。羌莫得乎要領。帝曰時哉。操刀中肯。爰麾兩牙。劇阿爾泰山而下。飲馬於河。是時羊頭之銷。未殷其鋒。飛虻之鏃。未抽乎室。犁伊犁庭。俘大台吉。若秦風之振擗。大冶之爛雪。易於承蜩而撥之也。旣而拊蟻螻。嘯彪虻。忠者握節。辨者守黑。皇帝不疑曰。是不可不大殛。再張天軍。罪人必得。然後鍾山之子。化爲鸚鵡。負危喫竄。自相灰爛。首惡械相顧之尸。羣狙驚會稽之箭。隕坻破瓦。無有存者。從風而靡。莫不歸我。朝蟬封梟。矚之長。徠虎脊魚目之馬。東西布魯古特。娑奚繩橋之路復通。右部哈薩克塔什罕。蠻觸鷓蚌之爭遂捨。重舌九譯。拜

於闐下。與天無極。功業豈不大哉。彼波羅泥都。霍集占者。我之放豚。出莖負塗。背我大恩。地荒城阻。孰施長鞭。帝曰。是戕我義臣。不可赦原。易將授鉞。天討是申。庫車。阿克蘇。烏什。和闐。以次悉平。王師電撤。森發行萬餘里。攻葉爾奇木未下。退塹乎黑水。當是時。賊衆數萬。我兵三千。守汧城而鑿穴。飲疏勒之飛泉。自非一人。辰居斗運。天輪闔張。先時輻湊。強兵鐵騎。儵睥馳驟。曷克拔重圍而破勅寇。若操策而數計者。豈非天授哉。及乎大師長驅。寇窘而遁。買羅布天。棄其室家。乃收哈什哈爾。葉爾奇木之民。而窮二酋之所轅。三戰三捷。至於拔達山。傳檄授首。所部悉臣。子夜之尸異處。相繇之身不環。蕩雷轟以爲池。平阿耨以爲田。然後般師偃伯。燔柴挈臬。以告功乎皇天也。於是諸王三公六卿咸進曰。皇上獨秉天斷。功成甚偉。五年以來。闢地二萬餘里。伊古所稱。無有倫比。上尊號。協於泰元。垂之萬禩。帝曰。吁。惟天之佑。惟祖宗之志。其克有成。予其敬事。詎曰帝躬裸於太室。徧告山陵。暨上下神祇。名山大川。咸秩。酬功行慶。莫不昭晰。乃揆天心。擬日暹。穹碑屹乎岫嶺。揚大文之炎炎。歸鴻名於秦一。參帝典以爲三。惟乾乾乎終日。式上帝之所監。日中必覲。觀天執時。有黃帝之明焉。惟德動天。無遠弗屆。有重華之文焉。震用伐鬼方。三年克之。有高宗之斷焉。崇墉仡仡。四方以無拂。有文王之勳焉。彼漢唐之所槩。擘宋明之所揭。又奚云乎。天道旻穆。無聲無言。聖人法之。不息益勤。惟動後志。有開必先。雷殷龍見。合謀於神。虛而不有。是爲乾元。上摻流乎三光。下配藜乎八彘。天哉。皇哉。皇哉。天哉。遂作頌曰。惟天九重。萬動之宗。孰協於極。我皇之德。衡氣發機。克灼知之。非惟知之。皇允釐之。茫茫大地。戒以山海。同於天光。惟皇德所逮。彼阻西域。曠莫之格。闕

彼白澤。我執而弗射。面天者懷。背天者威。或枿而芽。火風其灰。我出我師。崑崙之西。坡陀萬里。今勞其歸。非常之原。莫敢或量。今成大功。天心克彰。祇祇翼翼。敬帝之則。劫鞏勞謙。萬年無極。

平定兩金川大功告成頌謹序

皇上至仁天憐。知臨幾灼。神武乾斷。初討金川。服則舍之。不訖厥誅。既而蕩伊犁。收回部。光列聖之緒。關地二萬餘里。極天西北。哈薩克。布魯特。鄂罕。土爾扈特。咸先後歸命。內屬土圭測景。至於日入之部。桃矣。匪矣。古未有也。乃促浸趨。拉比惡背德。大師克之。五年。埽其窟巢。罪人族俘。功成大盞。臣伏讀御製平定兩金川告成太學碑文。暨勒銘美諾。勒烏圍。噶喇依之碑。仰惟聖謨淵濶。天佑信順。靖民之勳。一勤永救。猶心惻深勞。若將不及。蓋堯禹之克讓。克艱。不矜不伐。大聖人用心。萬古一揆也。臣蒙恩慈。再入翰林。欣觀盛烈。愧踰淺荒。落無毫髮裨效。注鳴翼振。亦欲鼓舞太陽太和之光氣。竊不自量。作闡謨一篇。庶竭摠愚忱。宣釋天子睿聖功德。颺於無疆。謹頓首以獻。其辭曰。

天以大氣束九輪。陰揪陽張。亭毒鑿醇。或戴景而衛跡。或匿暎而巢蠶。馮生攬網。孰溢靜是。厥惟大君。仁以均之。知以先之。勇以剗之。有不若廸。辟以止辟。所以康兆民也。故潰夙沙。慶絕轡。疇華誅。三危竄。有扈剿絕。鬼方旣濟。聖人皆祗之。非得已也。昔周舞庸蜀。秦嘲牧犢。蹊其金牛。卽於白鹿。漢開四郡。笮騶變俗。深入不毛。葛姜之勞。有唐不競。遂驕吐蕃。麩谷清水。要盟屢寒。羌眈視乎全蜀。迺嫁婦於維州。謀而取之。城曰無憂。牛李爭柄。殺悉怛謀。金川故縣。小封更置。王建徙州。棄其地利。劃大渡以玉斧。宋割險而不治。

元設碣門。暨長河西。明障雜谷。鄰金川寺。稍蠶食之。聿遷其地。夫金川者。固三十三番之黑子。而董卜韓胡之細也。邛籠之巢。獲女乎上碣。牛皮之筏。箭括乎沱水。孫水。繩橋縣度之摩曳。白狗。白蘭之唇齒。連天萬巖。絕地寸跬。遠達烏斯之藏。俯瞰井絡之底。苟蠶尾之有毒。雖顛覆其必倚。皇天啓佑我國家。自我烈祖。出震御天。八紘八裔。同於太平。皇帝紹重光。求民莫。兢兢乾乾。無一夫不被潤澤。惟十有三年。金川用師。則以促浸之蹂躪。而澤旺。韃也。元戈西揭。郎卡面革。帝曰。宥之。是我大造於兩金川。而不利其壻也。天畀所覆。何遠不輳。犁伊犁爲平川。芻宛馬於內廩。準夷四衛。屯田列堠。其陽城郭。至拔達山。蔥嶺和闐。實窮河源。微張騫之鹽澤。辨篤實之火敦。遂臨四海。真觀崑崙。二萬里外。國之西門。徑乾陬。而包坤角。彼汶山華離之地。曷足云乎。然而天緯旭卉。機發必克。趨拉首禍。促浸背德。澤旺昏而僧格。桑世其凶。郎卡死而索諾木稔其匿。始則賢粟擒乎鹿。既而剝女妻乎無弋。狼狽負固而逆命。暨驍同難而薦食。亂革布之室家。躡鄂什之疆域。天子以爲鞏金隄者。壻蟻穴。力原田者。芟陂苻。不一勞。不可以久逸。不暫費。不可以永寧。師出以律。否臧是懲。枕參首而命將。執螯弧以先登。於是摧巴朗。復革布。資哩。旣克。美諾入據。免走其三窟。飛蟲懸於一縷。姑句跳而從其妻。迷唐號而夷其父。方移金鼓於昔嶺。詰罪人之逃。逋賊乃善幻。山鬼夜諱。乘無備之莫敖。戕致果之狼暉。小往大來。一發一斂。天將盈而殲旃。故不可以五稔也。當曠一路。整軍而出。皇帝申命阿桂。益汝吉林。索倫。黑龍江。暨健銳火器。凡兵七千。惟汝定西將軍帥之時。則天策電掣。虎螭麋至。六軍一心。廟算神契。西南夾擊。大風掃殘。隕八卦之連雲。剗兩宗於挾日。

再收美諾。而趨拉之功訖矣。詔攝提格。摩太一。鑿天險。誅魁凶。馬尼南搏。谷噶西縱。宜喜絨布。角倚肩。膊西路大軍。直鉞羅博色。溯喇穆。抵於默格。忽超前而蹠後。稟九重之指。搗鏡萬里。如投箭。康薩爾梁。嶮。寧劍鏖。太古積雪。嵯峨龜裂。九鳥不照。飛鳶顛澆。木思工噶。鎗。舒。閼。豁。三年之阻。一日而掇。其時北師自。日旁茹寨。攻石真噶。沙爾尼。戰河之西。而大軍克噶爾丹。及噶朗噶。踞高而控低。刷遜克爾宗。加鞭尻。惟。仰。剗。昆。色。火。炎。拉。枯。菑。則。大。海。燻。池。魚。拔。柵。木。以。爲。棧。凌。章。噶。而。上。梯。遂。披。冷。角。寺。次。於。勒。烏。圍。是。惟。賊。之。舊。巢。鋼。重。甌。而。獨。牢。蟲。經。樓。於。天。半。碉。卡。傑。僂。而。錯。交。困。獸。入。穴。層。廣。外。包。五。丁。顧。而。躑。躅。九。攻。盡。而。莫。挑。於。是。槎。林。樹。柵。戩。河。椽。柝。鉤。鼉。鼉。而。石。筍。折。燧。龍。牛。而。冰。崖。鍛。擁。沙。囊。於。上。流。鳴。鼓。角。於。地。竅。降。天。出。淵。神。賊。鬼。暝。中。秋。之。望。圓。靈。鏡。空。蕩。滌。月。蟾。蕭。條。天。風。鯨。鯢。他。藉。招。搖。奏。功。遂。以。夜。半。克。勒。烏。圍。捷。書。八。日。聞。於。木。蘭。之。帷。宮。我。軍。合。圍。逼。噶。喇。依。跨。梁。踰。溝。先。克。西。里。乘。其。高。標。風。怒。火。舉。奪。科。布。曲。及。索。隆。古。舍。齊。雍。中。蹶。入。庭。戶。南。北。兩。路。破。竹。解。瓦。掃。獨。松。驅。馬。邦。大。會。於。磨。下。乃。籍。狸。物。火。贖。獸。投。焚。石。哲。天。穀。纒。髮。影。蝨。蟻。蠓。不。漏。煽。鎗。鑄。於。大。冶。鑠。崑。岡。而。裂。吼。豨。豨。讒。投。絕。其。哺。穀。廷。焚。顛。天。罪。大。莫。宥。於。是。嬖。姍。媵。徒。斑。蘭。精。夫。烏。語。哀。牢。之。母。項。髻。朱。戡。之。婦。槃。瓠。則。男。女。搖。尾。鄠。瞞。則。舅。弟。駢。首。窮。虜。匍。匐。乞。命。晷。刻。乾。隆。四。十。一。年。春。二。月。丙。午。索。諾。木。率。其。兄。弟。沙。羅。奔。甲。爾。瓦。沃。雜。爾。斯。丹。巴。及。黨。惡。大。頭。人。丹。巴。沃。雜。爾。等。就。擒。於。軍。金。川。平。甲。寅。帝。方。祇。謁。東。陵。蹕。桃。花。寺。紅。旗。至。惟。皇。天。列。祖。孚。佑。聖。志。中。外。大。悅。神。人。咸。喜。皇。帝。曰。吁。將。軍。阿。桂。百。戰。蕞。事。功。第。一。列。爵。上。公。有。加。賜。自。副。將。軍。以。下。論。功。封。賞。以。差。圖。形。紫。

光闡相臣將臣。冠劍鱗次。乃徵帝典。敷文思。銘太學之碑。暨美諾。勒烏圍。噶喇依。天子穆然。念康功甚勤。而敕命之不易也。一篇之中。三復致意。碣石鼓而汁五緯。劓玉壘而表萬禩。告功秦陵。大孝繼志。扶安輿。啓華芝。澤春淀。延蕃釐。甘雨滲漉。條風旖旎。日車東轍。印大觀而愴德威。登岱宗。陋亭云。告成闕里。偃伯秩文。復租稅。卻貢琛。養耆老。甄秀峻。旋龍舟。棹析津。覽來牟之蓄。奮樂豐年之專。與孟夏之月。六軍凱歸。乃幸良鄉。郊臺而勞之。萬騎案隊。饒螺震天。猊甲虎鬚。觀者如雲。皇帝謁天受祉。張黃龍之纛。御翠鳳之邸。將軍前跽。行抱見禮。天光霽穆。清問燕喜。乃鳳鑾啓行。馬上奏凱歌三十章。攤常杜之華。皖韻勺。箭之鏢。清鈞天雲門。訢合歡聲。格於帝京。前期以索諾木及其人屬。獻於太廟。太社。皇帝乃御午門。司馬牽組。司寇致辟。受俘於闕下。五月朔。恭加上聖母皇太后徽號。曰崇慶慈宣康惠敦和裕壽純禧恭懿安祺寧豫皇太后。惟億億年。萬方咸寧。六合由豫。惟聖母篤天禴祐。乃頒詔天下。告於郊壇。名山大川。徧於羣祀。行慶施惠。莫不煦嫗。朝賡衢歌。雖雖乎羣雅。鏘鏘乎九夏。訢謨定。頌聲作。乃爲遠人畏德。感德樂德。三章之詩。備鞮鞞焉。畏德詩曰。羌氏石處。雪霜之窟。山巒蔽虧。不見日月。大夏涸凍。不知寒苦。天威赫昉。霹靂澍雨。鑿巖築碣。莫我堅厚。塹江窄橋。莫汝險溜。今何有哉。蕩蕩戶牖。趨拉函顛。促浸族拘。兄弟母孥。長繩曳婁。蜀之西北。有大山海。皇帝治之。互二萬里。傳告衆人。東西拜跪。皇帝萬壽。有向無倍。感德詩曰。昔九土司。日夜弄兵。爾身我肉。狼藉壑谷。革布什咱。爲促浸所。掠其婦女。嬖嬖孱弱。彼鄂克什。與趨拉讎。埋壘咒詛。俾汝虔劉。謂維州橋。可以踰躐。鶴鷗仰嚇。天奪汝魄。皇帝天哉。誅劔罪人。殪彼豺狼。卹此寡於。自今

以始。我田我麥。我羊我牛。莫我辛螫。髦彘班鬪。勃窣蹈舞。皇帝萬壽。心歸大父。樂德詩曰。峨峨岷山。湛湛江水。去天一尺。江歸於海。正陽化醇。熙熙若春。壬哉林哉。今爲內民。夏有甘露。秋無盲風。冬日曠暝。雪冰和融。蜀土礪腴。咸賜復除。赦過宥罪。與民暨甦。嶷嶷都護。我鎮我撫。畇畇屯田。我戍我保。白狼槃木。樂漢之大。烏斯朶甘。吐蕃邏娑。天錫皇帝。衍育中外。日月出入。無有疆界。聖德高厚。恩澤周市。皇帝萬壽。與天意合。陳詩歌之。天人之孚。四極太和。嘉祥允符。是故一夫不獲。坐以待斫。惟皇帝仁。榮鏡萬幾。丕應後志。惟皇帝知。勿貳勿疑。九圍以鞏。惟皇帝勇。百姓日用而不知。聖人之謨。豈不容哉。堯曰。日慎一日。舜曰。惟時惟幾。禹曰。孜孜德先。祇台故動。則有開必先。靜則中心無爲。以至於萬年。固我不丕基。

聖駕五巡江浙樂府謹序

乾隆四十五年春。帝幸江南浙江。孚民望。勤民功也。皇上法祖臨民。在宥榮鏡。歲辛未。至於乙酉。巡東南者四。自是以來。億兆延企慕思。後翠華之景光者。十有五年。乃得報可。先是濬陶莊引河成。既有事豫河。上渡黃之日。躬禱於河伯。厥明決口就塞。河復其道。若合符劑。於是淮徐所在堤堰。命以時次第修築。而浙之海寧魚鱗各塘。悉發金鑿石。親臨籌度。釐舉指定。奠萬世功。謹案周禮肆夏詩。時邁也。曰。及河喬嶽。般曰。允猶翕河。言王者巡狩。四嶽河海。高高下下。陂障宅居。非尋常行慶施惠之事也。若夫湛恩疊沛。賜蠲復租。巨億萬計。禁繁奢。減流就。問耆年。登髦秀。官士軍商。周覃涵浹。恭逢天子七旬萬壽。純嘏蕃釐。俾大江南北。海隅蒼生。親覩穆穆印印之輝。自朝至於日中。長勤勞民庸。至誠無息者如此。皇哉。萬古未有。

之盛烈也。臣蒙恩備員清禁，未與扈從屬車之塵，竊揣萬姓鼓舞抃躍，宜有擊壤華封之辭，可附擊律者，謹擬迎鑾樂府十有九章以獻。其詩曰：

皇釐純樞，極和由庚。五臨枕被，八風宣行。四十五年，壽愷曼聲。衡殷南斗，河江緯經。天樞地奠，兆八叶情。鸞鈴葩瑤，肅雝觀聽。右一章十二句。

帝臨紫壇，元日卜辛。皋搖旭卉，毅我下民。象載留俞，龍蕤發昕。民曰曠哉，十有五春。甸服銜秬，拜賜復仁。視邇暨遐，膏露昉昉。右二章十二句。

濟水流滌澗，方山秀崩崖。望秩於岱宗，軌道經下沚。五汶灑異源，泗沂輸同委。青陽汎滲漉，齊魯榮俶始。時哉鳩鳳聲，清問古郊里。耆媪何熙熙，康我耕與耔。右三章十二句。

大河混混東南趨，清口歆歆淮泗俱。陶莊隄外八百丈，引黃北注斷長渠。仁皇六巡親指畫，雲梯直下神哉謨。年深填闕待疏淪，功成聖睿天所俞。禹碑手紀四載績，蛟龍蠓蜒行歸墟。躬臨河防更跋履，允猶般頌隨柔書。右四章十二句。

中春十日，帝觀於河。惟儀封未塞，豫之民以咨嗟。謂爾河伯，璧玉禮有加。至誠後志，順風涌沙。架鼉枝檣，連鼈盤挈。千里一息，赴壑就科。天佑神相，冰蠓舒波。慰我宵旰，憂勤實多。右五章十六句。

淮水湯湯，禹州惟揚。湖浸甃社，山繇蜀岡。萬竈沸海，千颿轉檣。施舍已責，惠農及商。天喬蘆蕭，平山堂。嚮尊羅舞聲發，梁節以制度阜且康。化南自北慶入疆。右六章十二句。

龍船發瓜步。鶴首迎滄瀾。青山忽近遠。天水浩已寬。紫金屹中流。蓮宇高空攢。倒茄鏡無蒂。砥天出椽欒。堯心一登攬。六合愜大觀。列眉指焦固。辨樹橫江干。右七章十二句。

徑銀蒜。挖京峴。曲阿洄。夾岡衍。籜金牛。眺黃嶽。披芙蓉。梁溪淺。錫惠駢。漱鳴珣。翳華芝。蔭芳薛。右八章十二句。

虎阜兮坡陀。華山兮窳窳。通門開二八。茂苑疏曲沼。天平上靈巖。具區俯瀟灑。五車星氣聚。六御龍光繞。三江放東瀛。涵浸日月表。吳歛起滄浪。聳聳樂魚鳥。右九章十二句。

吳越同星。嘉禾壤錯。女勸蠶桑。農勤籜箬。煙雨空濛。鴛鴦秀綽。玉帶灣澗。車溪噴薄。春風咄咄。芳涇藹藹。浙西唱于。恩先咨度。右十章十二句。

白塔澈浦口。赭山浙海門。疾雷乘噫氣。齧岸春沙痕。柴塘樾石菑。歲久撼厥根。帝塵濱海民。爲爾安墜。疇咨今已五。艮趾義取敦。萬年計磐石。工大誰能論。魚鱗盡脩築。坦迤排山跟。遙臨鳳皇麓。鞏若鳧鷖。右十一章十六句。

浙山媚媚水滿汀。湖光江色搖空青。面湖窅窅洞天關。近挹遠取皆瓏玲。寶石寶雲接葛嶺。靈隱靈鷲低南屏。鳳岡遙夏萬松葆。龍井倒汲風篁瓶。迎潮未擬白鷺下。擊水已連垂天翎。圓壑噓氣豁容照。安瀾底績符清寧。右十二章十二句。

覽浙水兮右旋。溯大江而東上。馴敦圍於石城。擾之而兮鍾蔣。梅岡芬其雨花。天闕屹其抗掌。緬秦淮兮

委蛇。睽龍潭之罔象。眇六代其紛員。稱殷禮於肸鬻。澤滂溥乎江國。施南陽而北熿。右十三章十二句。
山陽西南隅。高堰鍵其隄。北當淮泗衝。南盭漕湖壑。瑄馴所脩。捍遠蹈元龍蹟。圖彼洪澤寬。誰鑣支祁魄。
咫尺距青口。瀉汗導桐柏。皇來繩祖武。念茲濱廣斥。金隄以次完。甃甃易堅石。長令淮表民。畋田宅爾宅。
右十四章十六句。

河延道兮鼓城東。交挾汴泗瀉兩洪。黃茆岡起雲龍麓。蘇隄蹟與戲馬同。舊川旣歸建瓴下。切和地防紆。
天衷。蜿蜒左右蕭礪近。嘯噏消長淮海通。韓山奎山石堰接。分命圖度求康功。璿文大書記河復。黃樓何。
事誇元豐。右十五章十二句。

帝咨岳牧。惟河海奠居。鞠人謀人。非山川是娛。東南喁喁。無已麗奢。土事勿飾。木事勿鏤。頒金太府。賜所。
過租。全復蹕所。溥弛舊逋。百司伍士。拜級受糈。存問覲飴。肆赦告辜。功宗咸秩。旣於幽遐。大澤摻流。蹈舞。
康衢。右十六章二十句。

三江挾麗則。羣雅多和聲。雲河傾天藻。風草抒下情。陳詩達夏諺。奏賦擬漢京。蘭芎擢口秀。菁茅彙以征。
學校廣弟子。科第開已庚。作人壽膏試。賀世鏘先鳴。右十七章十二句。

大圖垂精。三辰光華。大塊剪與。萬寶紐牙。文思堯暢。文明舜歌。瀏覽民風。疏寫性和。龍書穗篆。名山刻摩。
敷言皇極。矢音卷阿。右十八章十二句。

帝車般兮駕赤龍。壽星大角行天中。河游五老邀海童。上下臚籙芻祿豐。五巡江外祉函蒙。七十萬壽勤。

天工。天道下濟如張弓。庶民惟星如雨風。日光月輪瞰於東。萬年聖德歌乾隆。右十九章十句。

恭慶皇上七旬萬壽文謹序

乾隆四十五年八月。恭逢皇上七旬萬壽。普天禔福。臣伏讀周書洪範。九五福。一曰壽。唐孔穎達正義曰。王者思睿則致壽。言睿爲五德之本。思爲君主之官。猶黃鍾之宮。召和而凝命也。堯典曰。欽明文思安安。皋陶贊舜曰。慎厥身修思永。然則詩書所載。聖主祈天永命。必有所以致之者也。臣沐浴壽宇。踰舞太和。竊忘其鄙陋。作睿繹一篇。推本天子睿聖之德。徵乎文章功烈之盛。而篤無疆之天祐者。誠足陶甄唐虞。而鞏景命於億萬年矣。謹拜手稽首以獻曰。

遂初大赤含華。中黃紐牙。網縕摩盪。孰宰孰樞。三辰纏天。網爲斗車。六味甲地。埴壤黎壚。人統乎聖。思通乎虛。不息則久。與天地俱。邁哉三皇五龍之紀。訖於赫胥尊盧。或以二萬八千歲始。或以千二百歲修。或以三百年著。蓋遐邇寥闊。而不可典據。孔子刪書。斷自唐虞。放勳重華。粵稽而知。敕天之命。思日孜孜。周公作無逸。述享國之本。在知小民之依。厥後太元神策。覲七十二代。唐志上瑞名六十四事。祥符真牒。參百冊八繪。乃陞九疇。而尊七緯。懂懂播擗。豈曰睿乎。我大清受命。乾確坤固。皇上握三才之榮鏡。宣五聖之光燭。濬哲性成。緝熙學聚。斟元五期。統天六御。穆穆純純。宥密旭卉。中夜以思。呼吸帝謂。乃圓鍾假天神。函鍾出地。示肆獻裸饋食。愨於四時。松雲優氣。永言孝思。至德爲本。津根篤枝。思我國家。肇基大東。創業顯庸。長白松杏。鴨綠混同。賦盛京而三謁。敘薩爾濟戰功。揭艱難神武之烈。貽厥無窮。思在昔棗廸篤。

記功宗。乃悼敍親賢。闡幽紹封。因心繼志。德厚信疇。思萬幾惟一日二日。昧爽丕顯。日夕不遑暇逸。以渙大號。而在治忽。八枋之張。猶省括也。四門之闢。猶庭闔也。思民惟邦本。曰雨曰暘。洽風清剛。祈穀大雩。藉田墾畛。省歲所在。方隅水旱。則大發金穀以振之。遂賜蠲緩。巨億億萬。特詔普復天下。惟正之供者數焉。損上益下。大賚之曠典也。思五方之民。必躬親覽觀。乃周知其隱。自畿甸而近。北獮木蘭。東秩岱宗。詣闕里於堯。涉淮而江。巡於吳越。西隄五臺。中嶽太室。百年熙熙。跋翠罕焉。櫨石沈玉。黃復其道。斷渠引河。淮澗於堰。捍潮築碣。海平於準。康功田功。萬世永賴。則心勤而猷遠也。思覲光而揚烈。在詰兵以講事。秋獮冬閱。纒橐載旆。射鷙魁。鏃纏肆。西征不庭。洗馬月幘。組名王於廟社。歲兩朝之撻伐。伊犁厲揭。和闐壁厥。疆拔達山。關二萬里。至於大宛。康居。崑崙條支。辨河源而臨西海。井絡之陬。金川負嵎。再舉盪之。粟入其阻。德威所屆。六合一家。乃敷文思。覃文教。天稷濬源。天葩揆藻。信天開惑之論。太學告成之碑。百六全韻之體。七十二候之詩。御製四集。海富日新。莫能究窺。開經筵。闡史奧。誦三閣之津淵。緝四庫之薈要。惟聖多能。龍書雲畫。同文九譯。又極游藝之神妙也。於是天子淵然而思。曰。予承天釐保民極者。於今七十年。敬之敬之。其敷錫厥庶民。乃增甲乙之科。下鳳皇之綸。庚子元日。宴酺飮恩。詔書二十。遐邇合訢。春幸東南。中夏蹕旋。格於北壇。皇帝曰。嘻。天下其勿以介社爲事。奢侈華紛。予將莅乎山莊避暑之宮。時則老人出丙。重輪麗天。梯航糜至。鷁鰈來琛。乃有岡底斯山。日喀則城。曰班禪額爾德呢。越萬里而川賓。昔在崇德。固始識真人之興。朝於順治。達賴荷金印之頒。百卅年而再至。祝純嘏於聖人。以大梵音。演無量義。遂

說偈曰。頂生大輪王。治世八萬歲。地味如醍醐。如生酥如蜜。四寶須彌山。阿耨達池水。頗胝師子口。流出徒多河。爲閻浮提源。浩浩注東海。奔茶利迦華。香聞大千界。如兜率天壽。五十七億萬。他化自在天。九百億萬歲。非阿斯陀果。不作壽者相。皇帝大功德。福不可思議。於是秀眉顰齒。國老庶老。文學博士。鞠膺同聲。而稱曰。天地恆久。我皇體之。人情爲田。我皇理之。奉三無私。一心無爲。不思而得。萬福純熙。四極之和交。中外之歡。允洽。天子方定天保。觀曰。莢鏡至中。勤駿業。斥奢崇儉。示民無乏。至德不德。戒之撝。思難圖易。在宥咸變。鈞鎔仁壽。喜氣濃泱。心之精微。崇效卑法。萬年亶亶。自天佑之。惟聖睿哉。惟聖壽哉。

恭慶皇上御極六十年萬壽文謹序

臣竊惟尙書紀帝王之政。惟堯舜尊之曰典。典者常也。萬世不易之法也。故曰天敍有典。又曰有典有則。貽厥子孫。又曰其爾典常作之師。孟子曰堯舜之道。不以仁政。不能平治天下。惟堯舜立人君之極。故萬世帝王咸取則焉。今觀二典所載。堯則明德親族。平章協和。欽若授時。疇咨諸大端。舜則齊政。類禋巡守。封禪欽恤。詢岳咨牧。命官考績。諸大端。磊磊煌煌。萬世由之則治。遠之則亂。心法治法。一以貫之。故曰典也。欽惟我皇上臨御六十年。心則堯舜精一之心。政則堯舜欽明之政。巍功煥章。烜赫緝繹。載筆者雖磨鉛重軸。掛一萬漏。若以勾股測天。窮於擗管坐井之技。於大圓之量。不能闕摹分寸也。願臣竊以爲我皇上實心純德。邁古式今。憂民之憂。樂天之樂。作君師之則。垂燕貽之規。有確然世世遵守而不可易者。乾以易知。坤以簡能。斯之爲可久可大之常道矣。不揣僉陋。謹作皇典一篇以獻曰。

皇帝同天協德。曰純誠仁哲。剛健文明。信天若天。孜孜惟塵。不息而日新。歲舉三大祀。祈穀於上辛。日在畢而常雩。日南至而郊。北至禮乎方澤。必躬必親。徹幄幕而耕帝藉。中祀而乎八旬。夙夜基命。克迓蒼眷。曰信天主人。曰雨而雨。曰暘而暘。步禱於壇。曰惠雨乎。蓋寅籲而辰霈。若觸石之泰雲。自初哉齊見上帝。默祈曰。予承天承祖。惟保極。至於六十年。乃古稀八徵。允符初願。不倦於勤。其在易曰。先天而天弗違。後天而奉天時。是以自天祐之。吉无不利也。皇帝紹衣念祖。追遠繼志。夙興恭讀實錄。周而復始。肆獻裸饋。食時享月祀。四謁盛京。長白望秩。天作高山。穆然遐思。詠薩爾濟松山杏山之戰。追憶墮淚。五朝册寶。琢以和闐之大玉。冠服騎射之訓。守於世世。東西上陵。感霜露而孺慕。逾耄耋而悵憶。御寓符乎仁皇。繩祖武而匪解。其在詩曰。永言孝思。孝思維則。所以鞏世祜而孚天載也。皇帝至性至行。篤於慈寧。問安先意。視無形而聽無聲。以天下養者。六十有七年。奉安輿而上壽。合海嶽而承歡。泉乎永慕。若將終身。執禮過乎曾閔。誠孝動乎天人。推恩錫類。四極歸仁。所以地察而天明也。皇帝惇敘九族。仁洽義周。十一世之瓜瓞。見七代之茂苞。賜四品之冠帶。燕龍光於蓼蕭。復睿王之崇封。記功宗而不祧。興滅繼絕。微顯闡幽。仁厚鍾於麟趾。五福五代。拊元孫而逮雲仍。樂千春與萬秋。所以繩繩引翼。世德作求也。皇帝萬幾劫茲。乾綱獨挈。日召臣工。宣播綸綍。闢門聽治。昕旦批札。辰請已報。不留晷刻。引對守牧。清問慎讞。先覺之照如神。小大之情必折。知人器使。揉枉陟黜。九域萬邦。不隔戶聞。是以中外允釐。而曲成萬物也。皇帝以天爲心。保民如子。省歲從星。鞠謀匝雨。賜復漕糧者三。恩免正供者五。蠲緩賑貸。巨億萬萬。正月始知。先春剪

與今歲詔諭積逋二十萬有餘。特恩周溥。六巡江浙。若晉豫齊魯。所至曰幸。問民疾苦。河防蜿蜒。海塘齟齬。指授奠瀆。功邁神禹。肆赦繫滯。空厥囹圄。是以民氣舒而國本固也。皇帝生知天縱。好學時敏。詩文富有。充棟連軫。著論經史。扶聖精蘊。實事求是。元元本本。通六方之音字。納七閣之編簡。經筵百篇。手書御撰。石鼓石經。辟雍列建。西安西而東。濼陽新學宮之巘巘。恩科十四。作人造選。鴻博經耆之舉。獻頌異等之雋。披華振實。鳳翽虎鬻。是以萬方黎獻。歌岡阿而輦穀。皇帝智勇天錫。神武龍首。肇十二齡而行。圍發二十矢而中十九。歲蹕木蘭。朝列藩而獮狩。兩平金川。再定伊犁。遂砥回部。至於西海。二萬里外。皆爲我有。緬甸歸其象馬。安南佩我印綬。廓喀降而金瓶。頡頏臺洋靖而鯨鯢。培原燎草薶。不數萑苻之小醜。是以功成十全。而篤膺眷厚也。皇帝德盛功峻。禮明樂雖。定列代帝王之祀。以尙賢也。賜勝朝守節之諡。以顯忠也。貳臣有傳。以勵貞也。勳臣必世。以酬庸也。開千叟宴。錫緞徵也。譜三百篇。正雅風也。是以制作大備。而教思无窮也。皇帝心堯舜。心誠一不息。心天地。心與天合。則四知惟幾。四得惟德。超六帝之壽康。絕八蔽之稗賡。五福集而不去。憂十全成而猶戒。得其在益之九。五日有孚。惠心。勿問元吉。有孚。惠我德。言損上益下。聖人所以懷萬國也。記曰。勳而世爲天下道。行而世爲天下法。言而世爲天下則。是以垂裕无疆。謚天庥而保民極也。頌曰。惟聖法天。惟天佑聖。堯舜同符。仁心仁政。八徵耄念。九敎先憂。觀天觀民。萬世率由。遵之盡善。明明顯顯。綱舉目張。是之謂典。皇哉典哉。堯中舜性。體之惟誠。行之惟敬。願以斯典。垂億萬年。天信民順。純純乾乾。

御製栽者培之傾者覆之論恭跋

臣惟天道無心而成化。聖人有心而無爲。一陰一陽之謂道。天不能有陽而無陰也。文予武取。德孚刑明。聖人不能張文德而弛武刑也。孔子於復之象傳著之曰。復其見天地之心乎。而姤不言者。體好生之德。而貞元姤復之循環。可默而存也。欽惟我皇上。備德在躬。與天合撰。是以天篤我皇。位祿名壽。陪敦竺鞏。方增無極。而皇上體天之心。枕被六合。恩浹威覃。兆民萬彙。鼓舞薰蒸於仁壽之世。伏讀聖論。敬知因材而篤。栽培傾覆之所以然。天絳聖心。純合而無閒。有如是也。

御製反蘇軾超然臺記說恭跋

欽惟我皇上。心學精深。得一貫萬。正內該外之至詣。非前賢達觀超解之說。所能較量涯涘也。顧臣淺陋愚蒙。何足以窺測一二。乃蒙恩旨鈔寄閱看。臣榮幸蹈舞。心開目明。百讀研思。真發蒙而釋結。竊臣識解庸鈍。亦嘗體認心理。守內則患遺物。逐外則恐累心。每扞格而不能融洽也。今伏讀御說。以蘇軾遊於物之外。爲雄高而無用。不如遊於內。以求正心之本。而會天地萬物爲一體。大哉聖言。一哉聖心。是堯舜孔孟之心傳。而發萬古不易之精蘊也。孔子之言心。莫著於易。於艮言心之體曰。君子以思不出其位。於咸言心之用曰。聖人感人心而天下和平。而其自言曰。從心所欲不踰矩。孟子善言心曰。心之官則思。先立乎其大者。夫惟盡心於內。而外不遺。是以無外非內。而內不擾也。堯舜之執中。孔子之從矩。孟子之立大。皆所謂遊其內者矣。我皇上萬幾勤乎宥密。至誠格乎天人。功巍文煥。中位和育。而純亦不已之心。無閒

於一刻也。竊謂彼遊於外之超然，非真超也。告子之不動心也，惟遊於內之超然，乃真超也。孟子之不動心也，聖人之憂民如此，舜禹有天下而不與，一心而已矣。蘇軾學莊周家之言，烏足以與於大聖人心得之精純也。與臣曷勝欽悅誠服之至。

御製回疆三十韻恭跋

臣謹案西域自蔥嶺以東，天山以南，南山以北，其國五十餘城。漢屬都護者，羈縻而已。未能盡有其地也。唐時回紇，屢爲邊患。鳳林魚海間，詩人尤三歎焉。欽惟我皇上，聖德神功，與天無外，蕩平準部，底定伊犁，俘大小和卓木於拔達克山，而古莎車于闐，疏勒尉頭，溫宿龜茲焉耆，依耐諸國土，悉入版圖。畏威懷德，傾心內屬。於是除準噶爾之苛政，沛以新恩，與之更始，漸摩淪浹三十年，而仁道化成，若是其盛也。既溯河源於阿勒坦噶達素齊老，以證司馬遷班固之是，而闢唐宋元之譌。功巍文煥至矣。臣茲伏讀御製回疆三十韻，奠定其山川，則禹貢之卽敍也。考辨其貫利，則職方之九服也。先知艱難而無思不服，則書之無逸而詩之有聲也。信天順民而勞謙保豫，則有大而能謙。大易之精蘊也。肅穆典則，與六經相發明。誠篤祐於昊穹，而垂裕於萬世之謨訓也歟。

御製十全老人之寶說恭跋

臣聞堯德廣運，惟四舜大功有二十，禹無閒然者六，伊古聖人，亮天熙績，純純常常，舉其大端，可概而述也。欽惟我皇上，德凝五福，功隆十全，邁八帝之延洪，廓四極之聲教，超鑠萬古，獨膺天篤，大順大備，豈可

以數紀而量測者哉。臣伏讀御製十全老人之寶說。仰窺皇上巍煥不與之聖心。竊謂三郊精禋。雩霖響應。開先不遠。自我視聽。則事天之全誠也。省山肇基。紹庭繩武。顯承謨烈。八旬敬慕。則繼志之全孝也。篤敍功宗。本支千億。五世一堂。燕貽蕃錫。則親親之全仁也。關門疇咨。鏡照萬里。彰種執中。乾綱坤紀。則御臣之全明也。四蠲正供。賑發無算。奠海翁河。思艱宵旰。則勤民之全惠也。恩科十四。耆莫千叟。壁灘園橋。麟郊鳳藪。則教育之全澤也。詩文萬裘。淵源七閣。石鼓石經。崇論廣說。則文德之全富也。開疆海西。洗兵天外。佛土咸皈。金瓶世資。則武功之全靖也。八徵用念。九疇用嚮。期頤懋勤。萬齡天貺。則福壽之全臻也。四知惟幾。四得惟德。謙謙有光。乾乾不息。則心學之全純也。遽數悉數。掛一漏萬。日新又新。光華旦旦。蓋一日二日萬幾。五十八年以來。至於萬年無極也。天全乎大圓。而九重十端。不足以測天地。地全乎大輿。而九土十形。不足以畫地。聖全乎大德。而九如十有億兆。京駭不足以紀聖也。惟精惟一。惟日孜孜。皇哉聖哉。皇哉天哉。

御製顯諸仁藏諸用論恭跋

臣惟太極兩儀。動靜互根。以成一闔一闔之妙。顯仁藏用。一而神。兩而化者也。聖人同體天道。純亦不已。精義入神。卽所以出而致用。利用安身。卽所以入而崇德。成己成物。合外內之道也。我皇上握樞建極。崇德廣業。貫天地民物於一中。德發揚詡。則大理物博。於穆緝熙。則純粹以精。聖人內外貞一。過化存神。所謂帝堯同天。巍功煥章。皆心法也。伏讀御論顯與藏內外如一。方能合天地萬物爲一體。聖人之蘊。昭乎

窮神知化之盛矣。竊思仁者內也。而何以言顯。用者外也。而何以言藏。陰陽無端。乾坤互宅。唐虞之執中。孔子之一貫。我皇上身體之而切言之。故精義實有超乎先儒註說之表者。非因聰明聖知達天德之聖。曷足以與於斯。

御製小德川流大德敦化論恭跋

臣惟天地之道。本乎太極。而貫乎五行四時萬物者也。莫顯於易。孔子之贊乾曰。大哉乾元。贊坤曰。至哉坤元。懸象著明。莫大乎日月。變通莫大乎四時。舉八卦而六十四卦。三百八十四爻。該之矣。舉坎離而八卦。該之矣。坎離之中。卽乾坤也。乾之用九。卽坤。坤之用六。卽乾。舉乾而坤。該之矣。故曰一也。聖人法天。曰。一日二日萬幾。曰。惟精惟一。曰。協于克一。曰。一以貫之。天地之德。無大小一也。聖人之德。無大小一也。故曰。純亦不已。我皇上體天之心。與天合一。六十年孜孜不息。八秩開五。而乾乾終日者。又孰能窺而析之。曰。此爲川流之德。此爲敦化之德哉。詩曰。於緝熙。單厥心。夙夜基命。宥密。非天下之至健而至一者。不足以與於斯。

御製亶聰明作元后元后作民父母論恭跋

臣案言聰明者。始於皋陶。曰。天聰明自我民聰明。可謂言之切實者矣。秦誓之言。可與洪範參觀。二五事。三曰視。四曰聽。視曰明。聽曰聰。明作者。聰作謀。曰。無有作好。無有作惡。曰。天子作民父母。以爲天下王。夫父母之於子。視於無形。聽於無聲。有百倍於子之事親者。大學釋民之父母也。曰。民之所好好之。民之所

惡惡之。而洪範則言無有作好作惡。是非自我民聰明之真脈歟。好惡惟民而我不自作。聰明自民而我不自作。是之謂竇。是之謂父母之心也。我皇上明鏡萬里。聰達億情。而一本於信誠。此體天地之慈。而保在宥之蒼赤者也。所以不逆億而先覺。無偏倚而建中者歟。

知足齋進呈文稿卷第二

御纂續詞林典故序恭跋

臣聞敷政官人之道。有本有文。無本不立。無文不行。故文學之士。贊經綸。敦教化。成德達材。不可闕也。有勳華之文。思文明。則有岳牧元愷之謨。弼有媯姬之文。命文德。則有皋益周召之賡。揚漢之文武光明。則天祿石渠。明堂辟雍之禮樂。不勝書也。唐之貞觀。宋之嘉祐。則瀛洲北門。玉堂寶文之清切。有增美也。蓋際日光雲倬。昭回於天。穆明緝熙。觀會於運。聖聖同揆。經緯在宥。從未有如今日者也。欽惟我皇上。躬日新之德。懋時敏之修。武功告成。文教敷洽。天元周乎甲子。人文同乎河洛。典章該備。六十四卷。書成取進。辰請而午發。巍煥弁言。揭其體要。教以根柢。大哉皇言。傳示遠近。臣民孰敢不敬。應而鼓舞砥厲哉。

御製毓慶宮記恭跋

臣謹案龍樓躍淵之地。鶴禁升霄之所。天命貞符。非覩聞所能測度也。我朝慎簡元德。以爲天下得人爲仁。純皇聖睿通乎帝謂。然猶面稽天若。申卜再三。至癸巳而告諸南郊。癸卯而禱於列祖。乙卯而始宣諸四海。蓋天位主器如是之鄭重也。立儲之日。中外歡嵩。天人慶洽。丙辰元日。重光重輪。授璽於我皇上。以毓慶宮爲重華之協。訓政聽政者三年。所謂繼德者如是之久。而化成也。皇上以爲立萬世之大防。基萬年之大福者。在是。大哉聖謨。德者福之基。民者命之本。毓慶者毓德也。祈天永命者。得人而安民也。金鑑

玉契。卽丹書無逸之懸心目也。瑤山長琴。卽夏啓周文之敬承繼也。雲牖松棟。見堯見牆。先天後天。昭乎如揭。日月於億萬斯年矣。

御製才德說恭跋

臣聞洪範曰。有猷有爲有守。守者德也。猷爲者才也。孟子曰。人有不爲也。而後可以有爲。是貴德之說也。咸有一德曰。任官惟賢才。左右惟其人。臣爲上爲德。爲下爲民。其難其慎。協于克一。而歸本於一心。曰大哉王言。又曰。一哉王心。是本末之說也。虞廷莫大於治水。然鯀汨陳其五行。則九載績用弗成。禹修鯀之功。而至於地平天成。萬世永賴。其自言曰。祇台德先。不距朕行。豈非德全於才裕。彰明較著者哉。我皇上於用入行政之間。深知其難。而發爲才德之說。天下知聖衷之所向。不敢矜其一才一藝。而勉於守。以達於猷爲。則不敢以無德之才。自欺欺人。并不敢以無才之德。拘墟自安於無用。非鼓鑄天下人才。以收器使之效歟。

御製勤政箴恭跋

臣惟乾之象傳曰。天行健。君子以自強不息。蓋乾備元亨利貞之德。故二三四五皆有君德。而六位時行。則勤莫勤於乾之不息矣。其餘備四德者。六卦坤屯隨臨无妄革。皆臣道也。因其時。合其德。則能承天而輔化。所謂克勤于邦。業廣惟勤。民生在勤者。合上下之道也。書曰。君子所其無逸。所謂勤也。詩曰。夙興夜寐。無忝爾所生。故曰。勤則善心生也。我皇上朝夕乾乾。與天合度。故一日二日。謹於萬幾。而緝熙純嘏。氣

志不應者。用凝承昊綽。鼓勵百工。四方億兆。皆仰一人之心。孚而躬教。臣等敢不敬寅翼爲於下。以仰副聖主之勤求治理於無斁也歟。

御製樂取於人以爲善論恭跋

臣惟孟子稱子路聞規過則喜。禹聞善言則拜。一勇於改過。一誠於好善。而尤以大舜取善與善爲大。蓋言善量之無窮也。故曰。舜之居深山。無以異於民物也。及其聞一善言。見一善行。則若決江河。沛然莫之能禦也。可爲善於形容者矣。夫有人我之見存。則不能若己有之。舍己從人。雖勉而好善。其所取者僅矣。惟樂取於人者。斯能與人爲善。是以天下之善皆歸焉。執兩端而用其中。此惟精惟一之心傳也。伊尹曰。德無常師。主善爲師。善無常主。協于克一。此所以合衆善爲一善。而化天下於同善也。欽惟我皇上。虛己察言。欲善如渴。故無不達之下情。無不照之衆志。御論所謂見善必取。取善必備者。聖人之心。昭乎揭日月而示臨觀矣。臣竊以爲成己成物。時措咸宜者。明善誠身之要功也。克己復禮。天下歸仁者。希聖希天之真學也。皇上本聖賢之極功。臻誠明之神化。天下蒼生之福。萬方黎獻之願也。

御製有大而能謙必豫論恭跋

臣惟大有之象。與乾爲體。君子以遏惡揚善。順天休命。其上爻曰。自天祐之。吉无不利。孔子繫之傳曰。履信思乎順。又尙賢也。是以能有大也。有大而受之以謙。則堯舜禹之有天下而不與。不矜不伐。謙所以尊而光也。哀多益寡。下濟光明。虛己而受萬善。恭儉而本一誠。節用而愛人。德盛而禮恭。此有大而謙之實。

也。如是則必受之以豫矣。豫順以動，故刑罰清而民服。役使羣動而不應，後志所謂由豫大而得也。此序卦自然之效，有其德乃備其福也。欽惟我皇上，兢業體乾，虛公無我，斥豐亨豫大之非，廬保泰持盈之念，以謙儉慈爲寶，以時幾敬爲常，以誠事天，則雨暘不違，以誠勤民，則風草從化，以誠應事，則氣志如神。伏讀御論所謂以天地父母之心爲心者，大哉皇言，真先憂後樂，仁民愛物之聖學也。

御製邪教論恭跋

臣聞有教無類，聖人之廣大也。又曰：道二，仁與不仁而已矣。仁與義，二者一也。害於仁則非仁也。放於利則非義也。王教之所不容也。王制曰：廣谷大川異制，民生其閒者異俗，修其教不易其俗，齊其政不易其宜。又曰：析言破律，亂名改作，執左道以亂政，殺王政之大端也。君師之統一而已矣。所以持世而正人心也。二氏之說，殊途而同歸，苟違其本旨，儒教豈不嚴亂賊之誅乎。大哉皇言，官軍所誅者，叛逆也。未習教而抗拒者，殺無赦。習教而在家持誦者，原無罪也。白蓮教與叛逆不同，乃顯而易見之理。聚衆斂錢，流爲不靖，是在良有司實心化導，真摭要之說也。臣以爲欲人人皆正其心，惟大君正一心以正朝廷，正朝廷以正百官，正中外以正四方，則從欲以治，誰敢不革面革心以違天取罪乎。如有違者，以刑從之，則不怒而威於斧鉞矣。此所謂禹湯克己之心，先聖後聖，其揆一也。易曰：與天地合其德，先天而天不違，後天而奉天時，天且不違，而況於人乎。此必然之理也。皇上之心，卽天心也。至誠而不動者，未之有也。臣敢拜手心說誠服，而敬跋以申其說，不勝忱惕之至。

御書謙卦恭跋

臣案地山曰謙。以山之高而處地之下。有其實而不居其名。謙之至也。謙內卦皆言吉。外卦皆言利。所謂六爻皆吉也。至於利用侵伐。利用行師。然則戰伐之事。亦必以謙爲貴矣。書所謂滿招損謙受益者也。而九三爲卦之主。一陽統五陰。曰勞謙。君子有終。吉。象傳曰。勞謙君子。萬民服也。則惟舜禹之有天下。而不與。不矜不伐。故成^易允成功。帝王先勞無倦。而欲如不自足。曰。予臨兆民。懷乎若朽索之馭六馬。上畏天下。畏民。謙之誠矣。夫是以天佑之。民順之。不言利而利積。不期功而功成。謙之受益也如是。我皇上日勤萬幾。心勞兆庶。不自以爲已治已安也。是誠所謂謙尊而光。勞謙而萬民服者也。御筆書此。以當箴銘。誠天下無疆之慶也。

御製復其見天地之心論恭跋

臣案復德之本也。是以王弼釋復其見天地之心乎。以爲復者。反本之謂也。天地以本爲心者也。故動息地中。乃天地之心見也。朱子以爲積陰之下。一陽復生。天地生物之心。幾於滅息。而至此乃復可見。在人則爲靜極而動。本心幾息而復見之端也。是二說者。一以爲靜極爲心。一以爲靜極而動爲復見之心。所謂仁也。故天地網緼萬物化醇。言致也。一者誠也。所以不息也。仁也。所以生物也。此天地之心。無時而不見。而聖人於此特發明之。所以見天地之心。無刻不昭著於乾元之始也。繫辭曰。復以自知。王者中心無爲。以守至正。敕天之命。惟時惟幾。蓋其道心常爲之主。灼然自見於獨知獨覺之中。以戒慎養其源。以

謹獨知其幾。則所發皆與天地合德而同心。故天地位而萬幾理也。皇上與天合緯。觀萬象於宥密之基。而握至靜以涵至動焉。其卽北辰居所之義乎。天地之心。卽乾元也。卽坤之直方大也。其見端於七日之來復徵之。萬善之所由生也。洪範曰。五皇極。皇建其有極。斂時五福。用敷錫厥庶民。其惟聖人以天地之心爲心。故能立心而立命也歟。

御製迎長至論恭跋

臣聞郊之祭也。迎長日之至也。大報天而主日也。聖人於天。蓋有以知其深矣。夫天循環乎赤道。而萬古不息。日循環乎黃道。而萬古不息。然而日與天會。則一歲一週。必於冬至之度取齊焉。極長至於東井。極中分於二分。而極短則會於星紀。以是爲天地之始焉。迎而不見其端。故曰。天以爲正。周以爲春。陽氣始萌。於是。有蘭射。千芸荔之應。又冬至則斗北中繩。陰氣極。陽氣萌。故冬至爲德。鍾律權土炭。冬至陽氣應。土炭輕而衡仰。天地之氣至信。故曰中孚。揚雄之言曰。陽氣潛於黃宮。信無不在其中是也。夫十月謂之良月。又謂之陽月。十一月謂之暢月。蓋地之積也不厚。則其胚胎也無力。故亥子之交。坤復之際。所以終始乎萬物者也。所以先天而天不違者也。迎之義也。我皇上敬天誠格。迎日受釐。蓋有呼吸通乎帝謂。升恆兆於幾先者。故於迎長至之典。闡後精蘊。有非經生所能窺測。萬一者。故曰。堯之所以聖德同天。故能欽若昊天也。陽者君象也。陽復而君象彰明。蓋有堯之德。則帝德廣運。巍乎煥乎。無不光被四表也。一日二日萬幾。乾乾不息。無刻不生。機絲密也。豈必驗雲物於觀臺。得寶鼎於軒后。紀連珠合璧之盛。致八能

五蓋之占云爾哉。記曰：清明在躬，氣志如神。耆欲將至，有開必先。故天無私覆，地無私載，日月無私照，奉三無私以勞天下。夫是以惟動不應，後志而申命用休也。迎長日之至，孰有大於是者哉。

御製君子以虛受人論恭跋

臣惟山澤通氣，不獨澤之體虛，山之氣亦虛也。蓋不虛不能通，不虛則所受者亦寡矣。況山上有澤乎？聖人於咸之六爻，取象於拇腓股思胸輔，各舉一體，而大象取其全曰虛。此天地之全體妙用，而人之所以合德於天地也。蓋太虛者，氤氳元氣之周流無閒，而至虛者，中正主靜之受益无方。惟聖人知之，咸恆所以爲下經之首，而澤山雷風，繼坎離而配乾坤者也。咸六爻以人身取象，而九四當上下中之曰貞吉悔亡，憧憧往來，朋從爾思，言心體也。繫辭傳發明之曰：天下何思何慮？天下同歸而殊途，一致而百慮。天下何思何慮？推之日月寒暑之往來，螭龍屈信之變化，精義入神之致用，利用安身之崇德，極之窮神知化之不可測，豈非至虛之妙，不可言說乎？孔子贊舜曰：無爲而治者，其舜也與？又曰：舜其大知也與？舜好問而好察邇言。孟子曰：大舜有大焉，善與人同，樂取於人以爲善，非至虛無我，能若是乎？然則以虛受人者，必如舜而後能臻其極也。御論喻之於水，在瓶滿瓶，在罍滿罍，而極其量於海。善下而爲百谷王，又上推其運太空而取則於天，至矣。咸受之義，無以加矣。然則爲君之道，孰有切要於虛受者乎？四海至廣也，萬幾至衆也，雜然陳於至尊之前，而以一人心思耳目，辨之俄頃，而不爽毫釐者，此亦雌婁之難以恃其明，而牙曠之難言恃其聰者也。然而有道焉，莫如致虛。虛者，無私也，無我也，常明也，常覺也，至敬也，至誠也。

也。無私則公。無我則空。常明故照。常覺故靈。至敬則一。至誠則神。如風雲雷雨之出納乎山澤而不留其跡。日月寒暑之變化乎山澤而不尸其功。材木寶藏出於山而不置其蘊。龍鯨珠貝興於澤而莫窺其藏。豈非虛而受者之應用無窮乎。我皇上智周仁濟。山敦澤涵。納萬善於幾先。如大圓之鏡影。故能感天地而不應。後志感人心而天下協和。韜鐸昌言如大禹。寬仁好問如成湯。明目達聰。執端用中。則有虞之心法也。舍己從人。知哲安惠。則放勳之廣運也。先天而天不違。則乾之健也。後天而奉天時。則咸之速也。故曰。法天於無心。體道於無我。養心靜則中。守心敬則正。惟躬行之。是以言之親切而有味也。抑臣更有進者。虛者不自覺其虛。日孜孜而不倦矣。虛者惟恐其不虛。日兢兢而三省矣。萬善集於虛而不能盈。萬福備於躬而不敢泰。其惟聖人乎。惟神也。不疾而速。故受之以恆。

御製恆以一德論恭跋

臣案繫辭傳三陳九德。於恆曰。恆。德之固也。又曰。恆。雜而不厭。又曰。恆。以一德。其繼成速而申明。恆久之。義。彖曰。恆。亨。无咎。利貞。利有攸往。象傳曰。恆。久也。剛上而柔下。雷風相與。巽而動。剛柔皆應。恆。夫疾風不終朝。迅雷不終晷。何以謂之恆哉。聖人觀乎乾坤之應。乾一索而得女。曰巽。坤一索而得男。曰震。恆自泰而來。九變四而剛上。六變初而柔下。於是雷風相與。實乾坤交泰也。巽順而震動。六爻剛柔皆應。皆恆久不易之道也。而其德則純乎一。於損之六三。發明之曰。天地絪縕。萬物化醇。三人行則損一人。一人行則得其友。言致一也。舜曰。惟精惟一。成有一德。曰。協于克一。曰。一哉。王心曰。德惟一。動罔不吉。德二三。動罔

不凶。中庸曰：所以行之者一也。一者何也？曰：誠也。惟誠故不息，不息故恆久。此日月之所以久照，四時之所以久成，聖人之所以久於其道而天下化成也。御論以咸爲乾德，恆爲坤德，其義精矣。更以恆久乃日新，義尤相足。盤銘所以有日日新，又日新之說也。昔在高宗純皇帝臨御六十年，凡一日之起居，一歲之順動，閱時開歲而誌之。若合符契，不爽晷刻。此聖人壽考備福之徵。若天行地氣之久而信，所謂貞夫一者也。我皇上紹開衣德，繼序永言，先聖後聖，其揆一也。臣伏願固始終而不渝，經煩雜而不厭，立不易方，德惟貞一，重巽以申命，而從欲以治，游雷以修省，而爲民致福，咸之速也。恆之久也。所以克肖乎乾坤而作民父母爲天下君者乎。

御製君子以懲忿窒欲論恭跋

臣竊惟損自泰來，損下卦乾之九三，益上卦坤之上六，是爲損下益上。曰：損，損之大象傳曰：山下有澤，損。君子以懲忿窒欲。說者謂懲忿如澤，窒欲如山，可謂善用損者也。有所忿懣，則不得其正，有所好樂，則不得其正，懲之窒之，所謂絕利一源，用師十倍者也。伏讀御論，言逆於心，必求諸道，小人怨詈，皇自敬德，不邇不殖，若成湯菲食惡衣，若大禹挾身心之根芽，體性命之健順，至矣。無以加矣。臣謹推而衍之，忿如火，其顯諸外者易制，而藏諸隱者難忘也。欲如水，其泛濫橫溢者易防，而浸潤潛滋者難克也。法語之言，不惟從而改之，巽與之言，不惟說而釋之，說必釋，從必改，是渙然冰釋，怡然理順，真能舍己從人者也。見賢而能舉，舉而必先，見不善而能退，退而必遠，行乎其所當行，止乎其所當止，有不善未嘗不知，知之未嘗

復行也。是真能克己復禮者也。故曰：損德之修也。我皇上擇義極精，意必皆化，損益之妙用兼之矣。是乾坤之全體也。

御製讀皋陶謨恭跋

臣惟皋陶之陳謨也。以身修思永爲知人之本。又以知人爲安民之本。推其行於三德六德。謹其幾於一日二日。衍其政於五典五禮五章五用。上揆之於天。下觀之於民。終之曰敬哉有土。此萬世帝王之心法。治法。一以貫之者也。皇上時幾慎憲。則天勤民曰可不克艱哉。言乏知人之明。難期安民之效。誠切實體。要精一執中之旨也。天下大矣。萬民衆矣。欲惠心孚於惠德。必審官先以知人。人藏其心。不可測度也。其獻於前席敷奏者。孰誠孰僞。不逆不億。抑亦先覺乎。明生於誠。公本於空。如日之照於上。如鑑之懸於堂。而妍媸過而不能遁其形。枉直射而不能逃其影。則哲之道不勞而得。而又以修身誠意爲本。所謂邇可遠在茲者也。此理與大學互相發明。臣謹推演聖意協於六經之精義者若此。

御書禹貢洪範恭跋

臣謹案書序禹別九州。隨山濬川。任土作貢。武王勝殷。以箕子歸。作洪範。一紀禹治水之績。作貢賦之則。一述禹受洪範九疇。敘彝倫以爲民極。所以平地成天。本心出治。萬世之大法也。我皇上熟讀而手書之。仰見聖人之用心。通乎天人。而切於政本者也。臣惟禹貢定貢賦以三壤。奠山川於四極。而彙之曰。祗台德先。不距朕行。萬幾豈不密於君心乎。舜之稱禹曰。克勤于邦。克儉于家。豈非以恭儉爲底。慎作民之要。

歟。孔子贊禹曰。吾無閒然矣。非飲食而致孝乎鬼神。惡衣服而致美乎黻冕。卑宮室而盡力乎溝洫。此禹恭儉之德。飲食衣服宮室。俱不以累其心。而專力於神民。至誠而無閒之實心實政也。故不言利而利及天下也。洪範以五事敬五行。以八政制國用。以三德養人才。而本於皇極。純於一心。然則君心爲萬事之主矣。政莫大於理財用人。能恭儉則不患其貧而民自足。能求賢則猷爲守者進而頗僻遠。理財用人之本。視乎君心之向背。誠則天順而人信之。不誠則天遠而人疑之。是故心者。庶徵福極之樞機也。皇上求治若渴。經國惟勤。日日以堯舜禹之心法。誠求於宥密。則太平可立致。而天心協。民氣醇。何願而不從哉。天下萬世之福也。

御製既醉備五福論恭跋

臣謹案大雅既醉篇序曰。既醉太平也。醉酒飽德。人有士君子之行焉。正義言能使一朝之臣。盡爲君子。以此致民大安樂也。士者事也。言其才可以理庶事。濟濟多士。文王以寧。其文兼公卿也。君子者。其德可以君上位。子下民。公卿以下亦稱之。其意通於洪範。人之有能有爲。使羞其行而邦其昌。王者又用三德。是以能嚮用五福也。然則欲致太平者。可不以人才爲亟。使人有士君子之行。以召天休而凝景命乎。夫天子以身承天命。受祖考之付屬。爲萬民四海之宗主。非得人不足以共治。而君子小人。迭爲消長。何以使人有士君子之行。豈易言哉。必也君正心以正天下。臣庶之心。其養君子也。若股肱心膂。所謂朋友攸攝。攝以威儀。孝子不匱。永錫爾類也。箋言成王有萬年之壽。天又助以大福。謂五福也。正義言君子萬年。

足壽也。天被爾祿，是富也。室家之壺，是康寧也。昭明有融，是攸好德也。高朗令終，景命有僕，卽考終命也。十倫之義，賜爵祿於太廟，見爵賞之施焉。惟人有士君子之行，是致五福之要道也。我皇上孝思維則，勤求治平，又於培養人才加之意焉。以誠求之，以誠先之，則人皆知勉爲士君子，而恥爲側頗僻之行，太平之基，兆民之福在是矣。

御製能者養之以福論恭跋

臣謹案春秋左傳述劉康公言：民受天地之中以生，所謂命也。是以有動作禮義威儀之則，以定命也。能者養之以福，其發摠性命之義，純粹精矣。又曰：勤禮莫如致敬，盡力莫如敦篤，敬該內外，實則誠之所發也。中者，命之本也。誠者，敬之主也。五行命乎天，五事用以敬，合天人而一之也。以之立君心，則建用皇極也。以之均八政，驗庶徵，嚮五福，所以歲月日時無易，從庶民之好，爲三德之標準也。人君養性命之源，其在敬乎。其惟誠乎。是謂能者也。堯舜禹湯文武之所以享國長久，爲萬世則者也。國之大事，在祀與戎，受天之釐，救民之命，如是其重且急也。可不敬乎。可不誠乎。敬勝怠者吉，至誠而不動者，未之有也。我皇上御論，闡抉天人之交，允爲精深而明切之至者矣。臣旣伏讀而敬繹之，尤願聖人夙夜基命，宥密設誠，而致行之，則惟動不應，後志錫保，極於億兆蒼黎矣。培養備福，在於一心。臣民遠邇，無能窺測吾之閒隙，惟誠意懇惻，充塞乎宇宙之閒，豈不於萬斯年受天之祐者哉。

御製禮與其奢也寧儉論恭跋

臣聞禮之所起。以養人之欲。給人之求。使欲必不窮乎物。物必不屈於欲。兩者相持而長。旣得其欲。又好其別。禮有三本。天地者。生之本也。先祖者。類之本也。君師者。治之本也。然孔子答林放之問。乃以儉爲本。何也。孟子以恭儉爲治躬之先。老氏以慈儉爲三寶之二。豈非以滿損謙益者天之道。制節謹度者民之命哉。臣伏讀御論。發明忠信之本。而以大禹之勤儉執中爲無間。可爲體要粹精之至矣。然而挽末流之習俗。致蒼黎於乂安。以禮坊民。莫如以儉帥先之切實而無弊也。豐亨豫大。豈不美盛而立隆哉。然而天地盈虛。與時消息。鳴豫介石。君子慎幾。惟儉則欲易養。求易給。知稼穡之艱難。惜民力之勤苦。清明在躬。利澤下逮。中外貴富之家。無敢驕汰作慝。以干大順。此所以爲寶。所以爲本也。夫儉非禮之正也。而崇禮由禮以治天下者。必以是爲先。豈非近根之幹。近源之流哉。皇上躬行儉德。屏玩好於耳目。絕言利之端倪。傳大禹之心法。握宣聖之樞機。天下幸甚。

御書四箴恭跋

臣聞克己復禮。仁也。其切要之目。則在視聽言動。視聽言爲耳目口之官。動則該乎意與身矣。程子四箴。發明最爲體要。是入聖之門。而爲己治心之學也。我皇上御書於冊。而又推其義於君臨天下之法。蓋體仁足以長人。而視遠惟明。聽德惟聰。惟口出好興戎。德惟一。動罔不吉。皆古帝王傳心之要旨也。視則兼乎色與玩好矣。聽則兼乎聲音與出納五言矣。言則兼乎僉乎僉。詭號號矣。動則兼乎興作與臨蒞矣。而尤在於一心樞機宥密之間。慎之又慎。敬之又敬。克之於幾。復之於獨省。以一心與天相應。與臣民相見。則非

禮者。無由伺吾之閒而入之。夫然後所視所聽所言所動。嚮明而治。天下無不仰之若日月也。由四勿之勉。而臻四無之安。所謂仁也。皇上克知灼見。身體力行。臣何由仰贊聖德歟。

御書左傳楚武王侵隨一則恭跋

臣聞忠信者。人君所以孚格羣黎。而綱紀上下者也。聖王以禮宰庶政。而必本於忠信。易繫辭傳曰。天之助者順也。民之所助者信也。履信思乎順。是以自天佑之。然後達乎天民之交。通乎幽明之哉。孔子曰。使民如承大祭。則合而言之。義更精矣。左氏所載諸國賢臣之言。最爲近古。如季梁云。成民而後致力於神。以民事爲本。而以神格爲符。知所先務矣。三禮莫詳於事神。豈以繇文而干福哉。誠知民神呼吸相通。而天人聰明相應。故曰。天視自我民視。天聽自我民聽。又曰。我戰必克。祭則受福。其於民也。絜其好惡而施措謹之。是以惟動不應。後志不待卜筮。有從而無違也。我皇上念切民依。而敬事昭格之誠。基於宥密。秩於肸鬯。真所謂有嘉德而無違心者。自然民和而神福之。庶徵時敘而四表會極。御書內傳。陳之座右。若所無逸而繪豳風也。抑思列國嘉謨嘉猷。小用之則小效。如隨侯懼而修政。楚不敢伐者是已。其敝在不能設誠而致行之。三代以後。昭鑒灼然。未有念茲在茲。一誠貫乎萬幾。如今日者也。

御書晉侯歸謀所以息民篤恭跋

臣聞招攜以禮。懷遠以德。晉楚爭鄭屢矣。悼公盟諸侯於戲。鄭未心服也。知武子曰。我實不德。而要人以盟。豈禮也哉。其克己也忠。其責人也恕。故曰。我之不德。民將棄我。豈惟鄭可謂知本矣。於是晉侯歸。謀所

以息民。魏絳請施舍。國無滯積。亦無困人。公無禁利。亦無貪民。乃修儉德。祈以幣更。賓以犧牲。器用不作。車服從給。行之期年。國乃有節。三駕而楚不能與爭。遂服鄭而成霸業。竊謂春秋列辟。惟晉悼最爲近道。其用人也。六官之長皆民譽。魏絳戮其弟之僕而不遷怒。用其和戎之策而遠人歸。城虎牢。修德息民。而服楚。何其正也。幾與舜禹之舞干。文王之因壘同功。所謂自勝者強。治內者無敵也。天下豈有民安國治。而標末不理。心治清。元氣固。而四肢不喻者哉。我皇上自強不息。綱舉目張。求民之莫。若惘繇之在己。自然時和歲豐。而萑苻若振擗。而風靡也。御書此篇。蓋有會乎德禮不易。無人不懷之指。而明政刑。詰戎兵之道。賅焉。傳又曰。君子勞心。小人勞力。先王之制也。亦可與先憂後樂。思艱圖易之義相發明。故有取云爾。

御書荀勗省事不如清心奏議恭跋

臣謹案西晉時。議省州郡縣半吏。以赴農功。荀勗奏議。以爲省吏不如省官。省官不如省事。省事不如清心。其意以清心爲本。以省事爲先。得其要矣。周六官各屬有府史胥徒。所謂庶人在官者也。蕭曹相漢。致畫一之歌。皆起家於吏。其後吏道雜而多端。則官職耗廢。然省吏一末也。論語曰。居敬而行簡。以臨其民。不亦可乎。任官惟賢才。左右惟其人。是得人。乃六計弊吏之要也。又曰。惟王不邇聲色。不殖貨利。德懋懋官。功懋懋賞。則清心爲省官之本也。董仲舒曰。正君心以正朝廷。正朝廷以正百官。端本而末自舉矣。清明在躬。氣志如神。則維嶽降神。生甫及申。自然無曠庶官。天工人代。我皇上夙夜宥密。以勤萬幾。而咨揆

牧。若網在綱矣。

御書唐呂溫頌姚崇誠宋司馬光蘇軾著錄一則恭跋

臣惟稽古所以式今。資善可以裨政。我皇上好學敏修。幾餘博覽。於經傳之嘉言。既擇精而識要矣。又取唐臣呂溫之頌。姚崇之誠。宋臣司馬光。蘇軾之著錄。選擇而手書之。以備披覽。竊窺呂氏天道福謙。人生在勤之語。可得敬天勤民。以爲親庶政之本。姚崇公平正直。以喻持衡。已兼十事。責難之要矣。司馬光惜時之六術。遠謀之制。保重微於萬幾。已賅資治通鑑之綱。蘇軾除兩職而陳六事。卽其進陸贄奏議意也。自昔名臣。納忠建白。不在政人之著。而在格心之微。是以言者無迹。而聽者沃心。抑法語罪言不少。而從改說釋。則嘉謀嘉猷。取之皆是。而惠心惠德。其益无方矣。然舜之大。在於樂取善。我皇上於古昔嘉言。誠好而探索之。以爲身心之助。以端政治之原。至於若此。則天下孰敢不精白一心。以竭芻蕘芹曝之獻也。歟。

御製蘇軾刑賞忠厚之至論恭跋

臣謹案此宋嘉祐二年禮部試題。歐陽修主試。疑其客會鞏所爲。置之第二者也。其所云皋陶曰殺之三。堯曰宥之三。蓋設辭。取孟子皋陶執之而已矣。王制王三宥之意。然推皋陶刑期無刑。堯舜刑故無小。亦豈有意輕重於其閒哉。惟其當而已矣。合乎人心。準乎天理。賞一人而天下勸。刑一人而萬民革。所謂仁也。是忠厚之至也。論語曰。舜有天下。選於衆。舉皋陶。不仁者遠矣。皋陶謨曰。天命有德。五服五章哉。天討

有罪。五刑五用哉。皋陶豈忍輕人命而曰殺之三。以待堯。執法而曰宥之三哉。軾一時權變之言。不以辭害意可也。我皇上大公無我。至仁無私。賞必當其功。而使人知爲善之必獲福。刑必當其罪。而使人知爲惡之無倖逃。而哀矜惻怛。詳慎三復之意。猶餘於法外。而不能自己。中心同天。厚德如地。至誠悠久。自然深入乎四海兆民之心。而變化於仁壽之德。而從欲以治也。

御製存誠戒僞說恭跋

臣惟誠者。交天人。合上下。一以貫之道也。易曰无妄。又曰中孚。天下雷行。物與无妄。備元亨利貞之德。天之所以命人也。澤上有風。中孚。信及豚魚。至誠之所以盡其性。以盡人物之性也。一有譁張爲幻之心。則無本之木。榮於一時。敗於頃刻。所謂不誠無物也。聖人存其誠。孰敢以欺妄僥倖於下者。不待逆詐億不信。而先覺之照。詢事考言。雖有共驢之僞。不能掩其肺肝矣。欽惟我皇上。以誠事天。以誠臨臣民。而不肖者。狃於習之不善。自謂可以得計。而不知其欺天欺人。實自欺耳。求福而取戾。弄巧而呈拙。不可以爲人矣。伏讀御製存誠戒僞說。反覆申明。甚矣。聖心之仁也。以不能移風易俗。自引爲咎。仰見聖心之克己。而恕人也。爲臣民者。孰敢不革面革心。百讀聖言。而心說誠服哉。

御製盛京頌恭跋

臣聞頌之言。容天子之德。光被四表。格於上下。無不覆幬持載。此之謂容。於是和樂興焉。頌聲乃作。功大可不美報乎。所以顯神明。昭至德也。我朝肇造函夏。起於興京。盛京。仰惟四祖。太祖太宗之功德光烈。以

篤天祐。聖祖世宗高宗。追本王業。凡七謁焉。我皇上世德繼述。達孝思遠。癸卯之秋。默籲明徵。於今二十三年矣。純皇作盛京賦。萬口傳誦。方乎。姒貢益經。陵鑠都京不足云。皇上告成功。太平德洽。不忘艱難。諸八音而作八章。天祐一章。言祖宗開創之義。猶清廟對越在天也。於鑠一章。言受靈承基之本。猶維天之命。嘉以戒愼。曾孫篤之也。歲建一章。言水源木本。率由舊章之義。猶維清緝熙。肇禋迄用有成也。三關一章。言二陵之鬱蔥。祀事敬脩。猶烈文之繼序。其皇前王不忘也。門煥一章。言大清崇政之殿。基福錫慶。猶天作高山。太王居邠。文王祖岐。築宮室以爲常居也。祀壇一章。言祀壇告廟之典。猶昊天有成命。郊祀天地。我將祀文王於明堂也。世德一章。言巡典慶成。猶時邁之懷柔。河嶽也。考賦一章。言純皇賦盛京。我皇上繼繩作頌。懷祖業而承昊眷。猶執競之自成。康而追武王。思文之溯后稷。配天。陳常時夏也。臣謹案賦者。敷陳其事而直言之。頌者。美盛德之形容。皆非比興之體。超乎風雅之正。然商魯頌作於正。考父史克。周頌作於周公旦。皆非王者所自爲也。洪惟高宗之賦。我皇上之頌。聖作聖述。先後合揆。則從古所未有也。臣竊以周頌清廟之什。遞釋之如此。又謹案嘉慶十年七政經緯。躔度時憲書。推今乙丑九月庚戌之朔。亥初。日月會於壽星之角。土水在軫。火在氐。金與歲星在心。自辰卯寅右旋於西。合璧聯珠。完完繫繫。懸象著明於天。正當聖主禮成旋蹕之三日。太和嘉祥。重光重輪。重暉。達於一時。豈非貞符之懿盛哉。信而有徵。可不敬歎。

御製辛巳歲我太宗大破明師於松山之戰書事恭跋

臣聞有熊涿鹿之師。帝啓扈甘之戰。尙矣。詩書所稱。成湯升陞秉鉞。文武臨墉。戡黎。皆以爲王業所基。肇攻艱難之蹟。以示後昆。不敢忘其祖烈。至於漢祖成皋。滎陽之鏖兵。光武尋邑。虎豹之股栗。唐太宗雀鼠。虎牢之武功。宋太祖滌州。清流之突陣。元世祖錫默圖之追北。明太祖康郎山之焚舟。此皆赫濯史書。流傳衆口。以爲天人協心。古今爲烈者矣。然從未有我朝肇興東北。太祖太宗。奇功偉業。天助人順。以少擊衆。以一勝千。如薩爾濟之破明兵二十萬。松山杏山之馳六百里。敗明師十三萬。之超前古而燦萬禩者也。我高宗純皇帝。旣書事於前矣。我皇上東巡謁陵。出關過錦州。跋履其地。慨然想見山川因壘。艸木殷茂。白馬嘯風。黃旗耀日。聖神威勇。灑涕濡毫。點竄二典。塗改三頌。上配高宗之巍煥。昭垂奕世之不謨。雙懸大文。合璧象緯。以頌擬賦。以書繼志。烈文之詩曰。念茲戎功。繼序其皇之。立政之書曰。以觀文王之耿光。以揚武王之。大烈。億萬年無疆。惟休。可不敬歎。



編主五雲王

編初成集書叢

稿文呈進齋足知

中華民國二十五年六月初版

撰者 朱 珪

發行人 王 雲 五
上海河南路

印刷所 商 務 印 書 館
上海河南路

發行所 商 務 印 書 館
上海及各埠

(本書校對者楊瑞文)

◆ D 一三三七

大



3

4

2513